

Oké Take Away

Nos Special pa
Diarazon 7 Juni

- Higura den ciboyo
- Galiña soba
- Fillet di pisca
- Sopi Carni

Pedido:

747-0505

S

Prijs
1.25

LO

Di Pueblo

BRIYANDO FUERTE • TRECIENDO CLARIDAD
Diarazon 7 2023

GANA

1000

FLORIN CU

S *LO* *Di Pueblo*

JORAN VAN DER SLOOT TA BAY CONTRA SU EXTRADICION PA MERCA, KORT GEDING NA CAMINDA



5 AÑA DI PRISON PA HOMBER ENVOLVI DEN TRAFICACION DI COCAINA PA MIAMI HOF A CONFIRMA E CASTIGO



BISHITA DI 'THE HAT LADIES' DI CORSOU CERCA PROME MINISTER



MINISTER ENDY CROES TA FELICITA E SCOLNAN CU A DESTACA DEN BASKETBALL B MUCHA HOMBER



GANAR 1000 FLORIN CU SOLO DI PUEBLO PA "BACK 2 SCHOOL"

Premionan ta wordo anuncia dia 15 di Augustus 2023.

Tira e coupon aki den buzón na oficina di Solo di Pueblo na Sta Cruz 110, solamente entre 2or di atardi cu 4or di atardi.

Number y faam:

Adres: Celular: E-mail:

1000 florin - 1000 florin - 1000 florin



Participacion

Debi na situacion externo, fuera di nos control pa cu prijs di papel y plachi y demas material pa druk corant, Solo di Pueblo ta haye obliga pa reduci e cantidad di pagina di su esicion pa 16 pagina temporalmente. Den un corto tempo lo ahusta na 24 pagina.

Pa es motibo aki nos ta ahusta nos prijs pa benta na publico pa 1.25

Abonado: ta ahusta na 30 florin pa luna.

Nos lo hasi nos maximo esfuerso pa supera e momentonan aki unda tin escases di plachi y papel cu consecuencia cu e prijs di container di papel a subi drasticamente. Mientrastanto Solo di Pueblo ta

hasiendo e transicion tambe pa ta full digital y online, alcansabel 365 dia pa aña na www.solodipueblo.com.

Nos sa cu pa nos lectornan fiel, e corant no por falta na mesa mainta pa compañía e koffie. Pesey mes nos ta sigui hasi tur nos esfuerso pa mantene e corant.

Masha danki pa un y tur pe comprension.
Gerencia.

Minister Endy Croes:

PRONTO LO PREPARA NOS STUDIAANTENAN NA NECESIDAD DI MERCADO LABORAL

Cu proyecto PEL, ta bay percura pa mercado laboral tin empleado di calidad



Recientemente, Minister di Enseñansa y Deporte Endy Croes a reuni cu DEA, kende ta representante di Ministerio di Enseñansa, DAO, DPL y Enseñansa pa Empleo, cu ta representa Ministerio di Labor y ATIA, AHATA, SNBA, y KVK, cu ta representa Sector Priva. Durante e reunion a trata e proyecto di PEL, Plataforma Enseñansa y Labor, cual ta un di e recomendacionnan

di Doorlichting Rapport van het Arubaanse Onderwijsbestel. E meta principal di e proyecto aki ta pa educa e studiantenan na e necesidad di mercado.

Un tremendo proyecto, unda cu experto di Enseñansa, Labor y Sector Priva a bin hunto pa investiga e necesidadnan cu tin riba mercado laboral y basa riba e resultado ta evalua



ki tipo di enseñansa mester y na ki nivel pa prepara nos hobennan y futuro empleadonan na necesidad cu mercado ta exige. Den e proyecto aki ta traha riba diferente tema, entre otro, necesidad di mercado, ahustacion di curiculo a base di necesidad, pasantia,

examen y preparacion pa mercado laboral.

Durante e reunion a duna mandatario di Enseñansa un presentacion amplio di e ultimo desaroyonan di e proyecto. Finalmente, Minister Endy Croes ta indica cu unabes e proyecto ta

completamente forma, ta bay cuminsa prepara nos studiantenan conforme necesidad di mercado laboral.

Pa asina percura pa mercado laboral por tin empleado di calidad, manera cu e necesidad ta exige.

Joran van der Sloot ta bay contra su extradicion pa Merca, kort geding na caminda

LIMA, PERU -

E extradicion di Joran van der Sloot di Peru pa Merca ta coriendo peliger. Abogado di Joran, sr. Maximo Altez, a cuminsa cu un kort geding pa asina trata na evitá cu Joran lo por wordo extradita pa Merca.

Representantenan di Embahada Hulandes a bishitá Joran dialuna ultimo den prison na Lima, caminda cu e ta encarcela for di diadomingo ultimo.

Segun su abogado, nan lo a conseha Joran pa cuminsa cu un kort geding contra su extradicion pa Merca. Van der Sloot a nenga di firma su laissez-passer (un

paspoort di emergencia), cu ta hasi e documentu di biaha no valido y asina Joran no por sali di Peru. Joran a yega Lima despues di un biaha cu hopi obstaculon, e la sali for di e prisión di Challapalca cu ta keda na un area basta inhabita y bandona di Peru.

E abogado a bisa cu nan ta preparando un kort geding pa evitá cu Van der Sloot wordo extradita pa Merca, unda e lo mester wordo huzga pa extorsion di famia di Natalee Holloway. Dialuna ultimo, autoridad Peruano a anuncia cu e extradicion di Joran ta planea pa diaranson awo. E kort




geding lo mester tuma lugar diamars of mas tarda diarason.

Segun vocero di Ministerio di Asuntonan Exterior di

Hulanda, "E ministerio no ta atende cu casonan individual. tambe a sigui bisa cu "Hulanda no por mete su mes den proceso hudicial di otro pais. Nos ta brinda asistencia

consular incluyendo bishita tur Hulandes cu ta deteni den exterior y kier ricibi asistencia di e Embahada of Consulado Hulandes."

Preparacion pa trabounan di mantencion di brug di Green Corridor den dos fase



Cuminsando awe diamars 6 di juni te cu diabierna 9 di juni 2023 lo inicia trabounan di preparacion pa e trabounan di

mantencion di e brug di Green Corridor na Spaans Lagoen den dos fase.

Fase 1: 6 juni - 9 juni 2023

lo cera e lane banda paden pareu cu e middenberm pariba y pabou di e brug for di 7'or di anochi pa 7'or di mainta.

E desviacion lo ser indica cu borchí y baricada di trafico.

DOW y KPA ta pidi pueblo di Aruba, tur automobilista

y habitantenan pa tene cuenta cu e desviacion aki y e inconveniencia cu lo por surgi pa cual nos ta pidi nos disculpa y ta gradici pa e comprension y cooperacion.


ANUNCIO

SETAR ta informa cu lo tin trabounan di mantencion riba **diahuebs 8 di juni 2023 di 7.30 am pa 4.00 pm.**

Bario afecta lo ta:

- Pos Chikito (un parti)
- Scobiyostraat (un parti)
- Spaans Lagoenweg (un parti)

Nos disculpa pa cualkier Inconveniencia.



Prome Minister Evelyn Wever-Croes:

Durante e prome edicion di Periodista Pa Un Dia, 5 MUCHA DI SCOL BASICO A CONOCE DI CERCA E TRABOU VALIOSO DI TA UN PERIODISTA Pa motibo di e interes y demanda pa cu Periodista Pa Un Dia, inscripcion a cera



- Diabierna ultimo, a tuma luga e prome edicion di Periodista Pa Un Dia den e di dos edicion di Conferencia Hubenil. Periodista Pa Un Dia ta un proyecto cu a cuminsa na 2021, y mirando e exito y interes di e muchanan pa cu e proyecto aki, Gobierno a dicidi di continua esaki e aña aki tambe.

Prome Minister Evelyn Wever-Croes a splica cu e meta di e proyecto aki, ta pa nos muchanan, cu ta nos futuro generacion, siña conoce mas di cerca e carera importante di periodismo. Ta hopi importante pa un pais tin bon periodistanan ya cu ta nan ta mantene comunidad informa di tur acontecimiento. P'esey ta sumamente importante pa cuminsa inculca den e muchanan e importancia di e carera aki.

E proyecto aki ta

organisa pa Ministerio di Asuntonan General, y mirando cu Dia di Prensa ta na caminda, a scoge pa haci esaki den e luna di juni na unda cu tur diabierna, 5 mucha di scol basico ta invita na Bestuurskantoor pa bin haci nan preguntanan na Prome Minister. Na yegada e muchanan ta wordo prepara pa un periodista y e team di PR di Gobierno. Diabierna ultimo a toca turno na e periodista conoci Andrew Vrolijk di TeleAruba pa prepara e muchanan na nan yegada.

Prome Minister a indica cu durante e sesion di pregunta a resalta cu e muchanan tin hopi interes den gobernacion. E muchanan a bin bon prepara y nan preguntanan tabata hopi interesante. "Sigur un atardi hopi ameno na unda e muchanan a siña

hopi di loke ta e trabou valioso di ta un periodista, y lo mas importante ta cu nan a bay super contento," Prome Minister a expresa.

Prome Minister ta gradici tur e muchanan cu a participa den e prome edicion di Periodista Pa Un Dia, na e mayornan pa tuma e tempo pa trece nan yiu bestuurskantoor, y e scolnan cu ta encurasha e muchanan pa registra y participa na proyectonan importante asina.

Prome Minister ta gradici tur mayor cu a permiti nan yiunan participa. Pa motibo di e interes y demanda pa cu Periodista Pa Un Dia, inscripcion a cera. Muchanan cu no ta participa, por wak Periodista Pa Un Dia via TeleAruba y riba pagina di Facebook di Gabinete Wever-Croes.



Results of the Government of Aruba Bonds Issue – Afl. 165,000,000.00 6.25% June 5, 2023 – 2032

Issuance pursuant to the State Decree of May 12, 2023 no. 14 in implementation of article 2 of the State Ordinance of November 24, 2022 establishing the budgets of the Ministries of Aruba for the 2023 service year and authorizing the Minister of Finance to cover its financing needs in the 2023 service year (AB 2022 no. 145), the articles 3, 5, 6, second paragraph, 7, 15, 16 and 17 of the State Ordinance Treasury Paper (AB 1987 no. 3), and articles 2, 3, 4, 9, first and third paragraph, 10, 11, 12, second paragraph, 13, 14, first paragraph, part a, and second paragraph, 16, 17, second paragraph, 18, 19, 20, 27, 28 and 29 of the State Decree on Treasury Paper (AB 1988 no. 6).

The Central Bank of Aruba informs that, in applying a tender system as laid down in the document "Policy governing Government of Aruba's electronic bond issue via a tender system", the effective yield for the above-mentioned bond issue amounted to 5.73 percent, for an amount of Afl. 165,000,000.00 with a maturity of 9 years at a yearly coupon of 6.25 percent. This amount has been fully subscribed.

Aruba, June 7, 2023
Centrale Bank van Aruba

Prome Minister Evelyn Wever-Croes: PROME MINISTER A PRESENCIA UN BUNITA PRESENTACION NA E 'CULTURELE KUNSTZINNIGE VORMING DAG (CKV)' DI MARIA COLLEGE NA CAS DI CULTURA



Diamars mainta, Prome Minister Evelyn Wever-Croes tawata presente na Cas di Cultura na unda cu Maria College a organisa e Culturele Kunstzinnige Vorming Dag (CKV) caminda cada klas a presenta resultado di trabounan practico di henter e aña. E show a cuminsa na un manera hopi imprecionante cu algun hoben alumno y ex alumno di Maria College y tambe docenten cu a duna un bunita show pa e alumnonan. Alumnonan a presenta baile y canto brindando un mainta hopi ameno y bunita.

Prome Minister ta felicita Maria College cu presentacion aki

expresando cu e talento aki cu nan ta saca den tur e muchanan lo yuda nan den nan futuro. Nan ta haya un forsa hopi mas grandi pa nan por logra tur nan metanan pero

specialmente e talento cu nan ta comparti ta increíblemente grandi. Den su discurso e mainta aki, Prome Minister a encurashata alumnonan pa bay pa nan meta.

“Pabien na Maria College, Cabezante señora Rozenstand y tur alumno. Ohala cu esaki por yuda cada alumno tambe den tur paso cu nan mester tuma den futuro. Pabien

alumnonan. Propone boso meta y bay p’e. Aruba mester di cada un di boso pa hiba nos pais padilanti. Nos ta aplaudi boso pa tur loke boso a logra”, Prome Minister a expresa.

DIASABRA 29 JULY 2023

FUNDRAISING BINGO SV ESTRELLA 75 ANIVERSARIO

CARD PRICE FL.10,= | HOUR 7:00 PM

1 100,=	4 150,=	7 250,=
2 100,=	5 200,=	8 300,=
3 150,=	6 250,=	9 500,=

2000,=

#NARANHADA
SV ESTRELLA FUNDA 1948

Caribbean BINGO

**LIVE : CANAL 22/ RADIO TOP FM 95.1/
FACEBOOK PAGE & YOUTUBE CHANNEL CARIBBEAN BINGO**

MINISTER ENDY CROES TA FELICITA E SCOLNAN CU A DESTACA DEN BASKETBALL B MUCHA HOMBER Aruba ta keda cordialmente invita pa e gran clausura di Weganan Escolar dia 9 y 10 di juni proximo



: Dialuna merdia, e competencia di Weganan Escolar 2023 a continua den e disciplina di Basketball B Mucha Homber na YMCA San Nicolas. Colegio San Jose y Colegio Sagrado Curason a bataya pa conquista e prome luga di Basketball B Mucha Homber di Weganan Escolar 2023.

Colegio Sagrado Curason ta gana e partido cu e score di 7-3 y asina titula campeon di Weganan Escolar 2023. Scol Basico Washington y Sint Paulus School a hunga pa di tres y cuater luga. Den un wega hopi cera Sint Paulus School a gana cu e score cu di 4-3.

Minister Endy Croes ta felicita e scolnan cu participa den basketball y ta desea tur alumno cu ta competiendo den diferente disciplina

durante e dianan binidero hopi exito. Concluyendo, Mandatario di Deporte, ta invita e comunidad di Aruba pa e gran clausura di Weganan Escolar, diabierna 9 di juni, cuminsando 5:30 di atardi na Joe Laveist Sport Park na San Nicolas, unda cu ta bay tin entregamento di premio pa e scolnan ganado, show di baile y entretenimento di Groove Masters.

Diasabra, dia 10 di juni ta tuma luga e Competencia di Baile Deportivo y Cultural na Aruba Entertainment Center na Dakota, cuminsando 5:00 di atardi cu show cultural, dies (10) scol ta competiendo den baile cultural y moderno, tambe lo tin diferente tent di cuminda crioyo y artesanía y banda Ritmo Real ta cera Weganan Escolar 2023.



Prome Minister Evelyn Wever-Croes:

BISHITA DI 'THE HAT LADIES' DI CORSOU CERCA PROME MINISTER

Diabierna 2 di juni, Prome Minister Evelyn Wever-Croes a ricibi bishita di cortesia sumamente ameno di un grupo di dama di nos Isla Ruman Corsou, 'The Hat Ladies'. Bisti hopi elegante y cu sombrenan colorido y hopi bunita, e damanan aki a bishita Prome Minister na unda a intercambia informacionnan riba diferente tema di hende muhe cu e islanan tin en comun. Pero principalmente e damanan a bin gradici Prome Minister, como un hende muhe, pa e trabou cu e ta haciendo pa Aruba.

'The Hat Ladies' ta un grupo social di profesionnan cu ta haci, cu hopi amor, diferente

obra caricativo pa nos pa e comunidad di Corsou. E grupo aki ta consistiendo di damanan for di diferente isla di ex-Antia. Y tambe nan ta pone damanan den comunidad den funcionnan prominente, den lus positivo. Probechando cu 'The Hat Ladies' tawata na Aruba durante fin di siman cu a pasa, nan a desea di haci bishita cerca Prome Minister y Minister di Finanzas durante nan bishita na Aruba.

'The Hat Ladies' ta consisti di e siguiente damanan: Edna Carlo, Mariska Celestina-Willems, Angelique Fredema-Wallé, Suzanne Kwas, Sharine Mauricio, Sharine Mauricio-Hersilia,



Herta Parabirsing-Balentina, Nidia Rosaria-Wallé, Lidia Sillé-Gomez, Marilyn Wallé de Alcalá, Ishel Wijngaarde.

E damanan a regala Prome Minister un buki titula 'E cilinder

magico entre Aruba y Curaçao' y algun artesanía unico. Prome Minister ta gradici 'The Hat Ladies' pa nan bishita y pa e conversacionnan hopi ameno y pa e bunita recuerdo cu nan a laga atras.



CLAUSURA WEGANAN ESCOLAR



DIABIERNIA
9 DI JUNI 2023, 5.30PM
JOE LAVEIST SPORT PARK



**COMPETENCIA DI BAILE
DEPORTIVO Y CULTURAL**


DIASABRA
10 DI JUNI 2023, 5.00PM
ARUBA ENTERTAINMENT CENTER






Minister Rocco Tjon:

PAHO CU DOS DIA DI WORKSHOPS DEN CUADRO DI SALUD MENTAL



Segun Minister di Husticia y Asuntonan Social sr. Rocco Tjon, salud mental

ta hopi importante pa Gabinete Wever-Croes, pa e motibo ey diferente proyecto a wordo ehecuta den cuadro di esaki. Un di e proyectonan cu a demostra su balor agrega, tawata e eliminacion di e lista di espera pa loke ta e cuido di salud mental pa adulto y muchanan cu tin mester di esaki. Hunto cu PAHO, a percursa pa diseña un roadmap caminda te cu 2023 lo duna atencion na e diferente aspectonan pa cu esaki, y como parti di

esaki, a organisa dos dia di workshops pa e cadena di enseñansa y cuido, den cuadro di salud mental.

Manera ta conoci, e stuurgroep GGZ cual ta consisti di tur stakeholders, ta reuni cada dos siman y ta atende cu aspectonan cu ta toca e parti di legislacion, cuido specifico cu mester wordo brinda, maneho, pero tambe e parti di financiamiento y inversionnan cu ta necesario den tur nos profesionalnan. Algun siman atras, 12 persona a gradua como mental health professional, y di e forma aki ta percursa pa e cuido bira mucho mas accesibel, pa tur esnan cu tin mester di esaki.

Un proyecto hopi bunita a inicia diasabra ultimo, caminda profesionalnan cu ta traha den e sector di cuido a haya diferente tools pa señala y identifica ora un persona ta sufri di salud mental, pa asina e persona ey por haya ayudo mucho mas lihe. Dialuna y Diamars e mesun curso a wordo brinda na henter



e veld di enseñansa y fin di luna un otro curso lo wordo brinda na tur esnan cu ta traha den e cadena hudicial. Di e forma aki, mas y mas, ta percursa pa aloca fondonan necesario pa por atende cu e tematica di salud mental.

Por ultimo minister Tjon a expresa di ta sumamente satisfecho, y ta gradici PAHO cu a asisti cu e proyecto aki, y a brinda e workshopnan. Tambe,

palabranan di pabien y gratitud na tur esnan cu a asisti e workshopnan aki, y nos ta spera cu di e forma aki nan por tin mas tools pa por eherce nan trabou mas miho. E feedback di esnan cu a participa na e workshopnan aki tawata hopi positivo, y a indica cu esaki ta di balor agrega, y pa e motibo aki lo sigui inverti den e forma aki pa asina por duna nos profesionalnan mas y mas tools.

Candela na cas den Palisiaweg



Palisiaweg - Dialuna atardi polis a bay un adres na final di Palisiaweg cu

lo tawata na candela. Na yegada di polis asistencia di brandweer



a wordo pidi cu urgencia, mirando cu tawata trata caba di un uitslaande

brand. Brandweer na yegada a topa cu locual ta un

apartamento of berghok na candela. Mesora a bay over na paga e candela, evitando pa e pega e cas.

Brandweer mes a logra kita algun fuse, pero asina mes a laga Elmar su personeel bin a adres pa tira un miho bista.

Kiko a ocasiona e candela no conoci.

5 año di prison pa homber involvi den trafication di cocaina pa Miami

Hof a confirma e castigo

ORANJESTAD – Hof di Corte Superior, recién a dicta sentencia den e apelacion di e homber G.T. contra su sentencia di 5 año di prison. Hof ta haya e castigo duna na su lugar.

SOLO DI PUEBLO por a compromete cu Hof ta haya e castigo di 5 año di prison na su lugar y a confirma esaki.

TRAFICA DROGA PA MIAMI

Dia 8 di Juli 2022, Hues di Corte den Promer Instancia den su sentencia, a bisa cu G.T. pa años tabata forma parti di un organizacion criminal cu tabata dedica na trafication di droga. E dama J.K., kende a wordo gara na aeropuerto cu cantidad di bolita y cylinder cu droga den curpa, a duna declaracion mustrand cu ta pa G.T. e tabata hiba droga. Investigacion a muestra cu diferente biaha a transporta droga pa Miami. E dama J.K. a bisa cu el a haya for di G.T. un cantidad di cocaina y cylinder di cocaina y algo mas di 2000 florin como adelanto pa hiba e droga Miami. Tambe J.K. a bisa cu G.T. lo a bisa cu un otro ta bay cun'e. Segun J.K. esaki ta di 6 biaha cu el a hiba droga Miami.

APELA CASTIGO

Hues a muestra cu J.K. a admiti di a hiba droga pa G.T. Hues ta haya cu G.T. tabata fungi como intermediado pa doño di e droga (brother) y e mulanan. Hues ta haya legalmente proba cu entre Februari 2018 y October 2021 a exporta cocaina. Hues ta haya cu G.T. ta complice di trafication y forma parti di un organizacion criminal. Fiscal a exigí 5 año di prison y Hues a confirma e castigo. Pa cu castigo, Hues a tene cuenta cu pa años G.T. tabata exporta cocaina pa haya placa. Na opinion di Hues, G.T. tabata forma parti di un organizacion criminal. Su funcion tabata pa regla mulanan y percura pa nan haya e droga pa hiba Miami. Hues a tuma na malo cu G.T. a haci esaki puramente pa placa. El a condena G.T. na 5 año di prison.

G.T. a apela e sentencia y tres Hues di Corte Superior (Hof) a trata e caso, caminda Procurador General a pidi Hof pa confirma e 5 año di prison.

SENTENCIA DI HOF

Hof den su sentencia ta muestra cu e dama J.K. a admiti di tabata



hiba droga pa G.T. E dama J.K. a declara na e agentenan di droga cu G.T. tin un amigo cu ta bende droga cu hendenan na Miami. Dia 15 October 2021, J.K. a wordo gara na aeropuerto cu bolitanan di droga y cylinder cu droga den su curpa. Hof a sigui bisa cu na cas di S.R., riba 19 October 2021, a haya 539 pilder di XTC. S.R. a declara cu ta for di G.T. el a haya un caha cu e pildernan aden.

Hof, pa cu e castigo, ta muestra cu pa años G.T. a forma parti di un organizacion criminal cu tabata concentra riba exporta cocaina pa Miami.

Hof ta haya cu e funcion di G.T. tabata, busca mulanan pa hiba e co-

caina Miami. Na opinion di Hof, e funcion di G.T. den e organizacion criminal tabata importante. Hof ta haya cu G.T. no a tene cuenta cu e salud di e mulanan, mirando cu nan tabata hinca droga den nan curpa. Tambe Hof ta haya cu G.T. ta culpabel di hunto cu un otro, tabatin cantidad di pildernan XTC.

Na opinion di Hof, e cantidad di pildernan aki tabata pa bende. Hof ta haya cu mester caba cu e tipo di trafication aki.

Hof a confirma e castigo di Corte den Promer Instancia. Hof a condena G.T. na 5 año di prison, kitando e tempo cu e ta sera den KIA.

Pastoral Hubenil Aruba ta anuncia e lista di doorprize

Pastoral Hubenil Aruba (PHA) ta participa cu tur dies premio di e Bingo di diasabra ultimo a wordo entrega caba y awor falta esnan cu a gana un doorprize pa nos por entrega esakinan. Si bo a gana un di e premionan, sea asina bon di tuma contacto cu Mirla via WhatsApp 565-7176 pa bo hay abo premio den bo man.

E lista di doorprize ta manera ta sigui:

1. Un weekstay na Orlando, Florida

: nr. 272417

2. Un giftcard na balor di \$150,00 di Gianni's

Group : nr. 3228334

3. Un giftcard na balor di \$150,00 di Gianni's

Group : nr.391508

4. Un giftcard na balor di \$150,00 di Gianni's

Group : nr.392745

Na nomber di tur e hobennan cu ta bayendo Lisboa, Portugal na juli/augustus binidero pa representa Aruba den e Hornada Mundial di Hubentud (Jornada Mundial de la Juventud), PHA ta desea di gradici un y tur cu di un forma of otro a coopera cu e grandioso bingo aki y cu nos hobennan.

E grupo di mas grandi di e seis islanan di Caribe Hulandes cu ta bayendo Lisboa ta esun di

Aruba y sigur nan lo representa nos isla dignamente y lo haci un propaganda sin igual pa promove Aruba aya na Portugal. Danki pueblo di Aruba!



Clasificados



SOLODIPUEBLO@GMAIL.COM

585 9500

www.SOLODIPUEBLO.com

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782

Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913

Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000

Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Fundation	588-9999
Koningin Wilhelmina Fonds	582-0412
Fundacion pa nos mucha nan	583-4247

Oracion di dia

Un feliz dia bendiciona cu hopi amor di Dios.

"Duna emperador loke ta di emperador y Dios loke ta di Dios".
(Marco 12,17)

Feliz bo ta si bo ta un hende piadoso, compasivo y husto. Cu ta confia den Señor pa hiba un bida trankil y sin miedo. Semper practica e leyman di Dios cu respet y cu hopi amor. Yuda esnan den necesidad bo ta hiba un bida den berdad y lo bo ta feliz paso bo ta husto den bista di Señor. Bibando cu e berdad bo ta un hende cu ta hiba e "goso di Dios" pa esnan den necesidad. Paso bo ta mira hende cu wowonan di Hesus kende, ta yuda nos pa no mira debilidad di niun prohimo ni husga y apesar di e sufrimento cu esaki por trece cu ne, bo ta haya e gracia santificador pa sigui yuda cu compasion, cu un curason misericordioso. E practica aki ta keda eleva na Dios Tata como un sencia di perfume dushi suave di amor, cu ta agrad'E, paso ta enseñansa di Su Yiu Nos Señor na nos. Cu hende morto mes Tobias a dera cu hopi compasion y compasivo. Laga nos acoge, proteha y ingresa esnan den necesidad den nos comunidad, imitando Hesus.

Oracion: "Manda "Senor" Bo "Spirito" y tur cos lo biba atrobe y lo Bo renoba cara di mundo". Tene misericordia cu mi pa mi habri mi curason pa ricibi bo "Spirito", pa mi duna Dios loke ta di Dios". Amen.



Obituario

Publica serka nos anuncio di fayecimento di bo ser keri.
Nos tin 2 pakete pa ofrece;

Pakete 1: Anuncio di fayecimento te dia cu e defunto
ser dera

Gradicimento y invitashon pa misa pa 3 dia Afl 250,00

Pakete 2: Anuncio di fayecimento te dia cu e defunto
ser dera

Gradicimento y invitashon pa misa pa 3 dia

Na Canal 22 1x prome cu Noticiero 22 Afl 400,00

**Pa mas informashon por tuma contacto cu oficina na
585-9500 of na 741-4554**



Paardenbaastraat 10, Oranjestad, Aruba Tel.: (297) 525 - 7555

www.lottoaruba.com

Resultado : Sorteo 05 Juni 2023 Merdia

CATACHI	LOTTO	
Sorteo # 3932	Sorteo #	Joker Letter
2734	0 x Jackpot	Proximo Jackpot
0578	0 x Match 4+	170.000,-
6014	0 x match 4	
X2	0 x Afl. 12,00	
BIG 4		
Sorteo # 3932		
3671		
OFF		
Sorteo # 1988		
4023		
ZODIAC		
Sorteo # 3932		
7596		
Scorpio		
LUCKY 3		
Sorteo # 806		
002		
X2		


LOTTO	
Sorteo #	Joker Letter
0 x Jackpot	Proximo Jackpot
0 x Match 4+	170.000,-
0 x match 4	
0 x Afl. 12,00	

LOTTO	
Sorteo #	Proximo Jackpot
0 x Jackpot	57.000,-
0 x Match 4	
0 x Afl. 8,00	

MEGA	
Sorteo #	Mega Ball:
0 x Jackpot	Proximo Jackpot
0 x match 4	270.000,-
0 x Afl. 500,00	
0 x Afl. 50,00	
0 x Afl. 15,00	

MEGA	Afl. 370.000,-
-------------	-----------------------

KORSOU	
Sorteo #	



FORTALEZA PA FAMILIA

Scirbi pa Pastor Marcel Balootje.

STIMA DIOS, STIMA BO BIDA, NO DUNA CHENS NA DIABEL.

Stima Dios riba tur cos cu bo mente, alma y curason, stima bo prohimo manera bo mes.

Stima Dios su palabra, pasobra palabra di Dios ta Dios mes, ora nos no respeta Dios su palabra, nos tin problema cu Dios.

Pone Dios na prome lugar den bo bida, den bo cas y bo familia, cana den obediencia na Dios.

Laga temor di Dios wordo mira den bo bida, y no haci bofon, ni tenta, ni tampoco chercha Dios.

Alaba Dios glorifica su Nomber Santo, pasobra Dios ta bibo y real, y nos Dios ta Todopoderoso.

Dios ta creador di tur cos, y E a crea tur ser humano, homber y muher, pa nan por multiplica y yena mundo. (Genesis 1:26-28).

Dios crea tur animal, macho y muher E a crea nan pa asina nan tambe por multiplica y yena mundo.

Dios a crea tur sorto insecto, macho y muher E a crea nan pa asina nan multiplica y yena mundo.

Mescos cu den bida marino, Dios a crea tur locual tin den laman, y tur locual tin den riu, macho y muher E a crea nan y a duna nan autoridad pa multiplica, y yena tanto laman como riu.

No ta existi nada riba e mundo aki cu Dios no tin control riba dje, Dios tin control riba biento, calor, orkaan, temblor, laman etc.

Dios su bista ta riba tur ser humano, y ningun hende tin bida priva dilanti di Dios. Tur cos ta habri den bista di nos Creador.

Pesey nos mester stima Dios y dun'E tur honor y Gloria, pasobra Dios ta nos Maestro, nos tur ta depende di Dios, pasobra ta Dios ta duna nos rosea tur momento.

Sin Dios ningun hende ningun cos lo no ta existi.

Dios a duna bida na abundancia, pero nos mester cuida nos bida. No lubida cu nos curpa ta tempel di Dios y e Spirito di Dios ta biba den dje.

Nos ta pertenece na Dios, aunke hopi hende su comoartacion kier demostra lo contrario. Nos tur ta pertenece na Dios pasobra nos ta su creacion.

Dios a duna nos bida, pa nos por ta un muestra di su grandesa, pasobra tur ser humano, mester biba pa Dios y mester obedece Dios.

Nos curpa ta pertenece na Dios, y no na maldad, malicia, inmoralidad, pasobra tin hopi hende ta gaña nan mes bisando "Ami ta biba manera mi kier, ningun hende no tin nada di bisami, biba bo bida y lagami biba mi bida" y na ta lubida cu e bida cu nan tin no ta di nan.

Orguyo y arrogancia, mes ta pone hende destrui nan bida tanto fisico como spiritual, pasobra especialmente orguyo ta kibra nos realcion cu Dios, y hinca un pensamiento baho den nos, cu nos por haci manera nos kier, pero esey ta e mentira di mas grandi di satanas y cu mundialmente hopi ta kere y cay den perdicion.

Pesey nos tur mester arepenti di tur nos pica, y no duna e diabel ningun oportunidad den nos bida.

Nos mester aleha for di pica, (Galationan 5:19-21) pasobra biba un bidando di pica nos lo no hereda reino di Dios.

Nos mester biba pa Dios, nos mester kere den Su Yiu Cristo Hesus, y asina nos lo ta salba y tin bida eterna.

Nos mester aleha for di tur clase di scuridad, y biba den e lus di Señor, pasobra Dios ta lus y den Dios nos tin scuridad.

Laga tur nos locual cu ta menciona e nomber di Dios aparta nan mes for di maldad.



LEY CU TA LIMITA UZO DI PRODUCTONAN DI

TABACO

PROTEHANDO SALUD PUBLICO

6 Ta prohibi pa vende of duna productonan di tabaco na personanan bou di 21 aña

SOLO De Pueblo **HALA ROSEA LIBREMENTE**

Parlamentario ing. Mike de Meza:

MEP a destruí un futuro briyante cu Aruba tabatin den energia alternativa



Parlamentario di Partido di Pueblo Arubano (AVP), ing. Mike de Meza a sali for di e bishita na TU Delft ainda mas decepciona di e maneho di Gabinete Wever-Croes I y II pa loke ta trata energia sostenibil. E bishita na e instituto tecnologico na Hulanda a forma parti di e agenda di trabou pa cu e Interparlementaire Koninkrijksoverleg (IPKO) cu a tuma lugar.

TU Delft hunto cu TNO tabata entidadnan cu Gabinete Eman I y II a cera acuerdo y a traha hunto cu nan riba varios proyecto na Aruba. Awendia nan no ta na Aruba mas, pero ta trahando si cu Bonairo, Corsou y St. Maarten. “Mi ta sumamente decepciona”, parlamentario de Meza a expresa.

El a conoce e proyecto Green Village di TU Delft cu ta un copia di e Smart

Community cu a traha na Kibaima indicando cu ta netamente loke gobierno di Aruba di e tempo a planea pa ehecuta. “Esaki tambe ta un di e tantisimo proyectonan cu Gabinete Wever-Croes 1 a para.

De Meza: “Ta haci dolor pa mira e tantisimo proyecto cu Gabinete Eman 1 y 2 a ehecuta riba e ramo aki, sumamente importante pa Aruba, pero tambe como ehempel pa mundo. Gobierno di Mep Por Red a stop tur esaki nan. Awor seis aña largo a transcuri y por mira cu nada a tuma lugar.”

Tambe e parlamentariónan a haya informacion di hydrogen gas. Mesun cu Gabinete Wever-Croes ta papia hopi di dje. Por a tende con esaki ta den su infancia ainda y a confirma cu esaki no ta un recurso electrico, pero

simplemente ta traha a como un bateria. Esaki ta hustamente loke noa a bin ta splica e gobernantenan di Aruba pa algun tempo caba. Tambe ta un echo cu e famoso “Hydrogen valley” NO tin un “financial business model” cu ta viable! Lo kier usa LNG pa converti esaki den hydrogen. De Meza ta bisa:

“1. Bo no ta haci nada bon pa e medio ambiente y 2. E ta costa bo hopi placa.” Mas aleu ta bisa cu e gobernantenan actual no ta compronde e materia, ni tampoco tin e conseheronan capacita. Ta p’esey mes ta stranjo cu WEB y Utilities mes ta para tras di ideanan cu ta fantasma. Den combersacion cu e profesornan di TU Delft, nan ta bisa mescos. En berdad e ta algo interesante, pero bo mester tin un cantidad di energia su-

ficiente pa e consumo di bo pais y loke ta resta bo por produci hydrogen cu ne como un alternativa pa balansa. E parlamentario ta indica cu loke Aruba ta papia di dje aworaki ta algo completamente diferente.

“Ta lastima pa mira cu realmente na Aruba nos a laga proyecto sumamente interesante y bon. A para esaki y no a haci nada mas y awe bo ta mira cu Aruba a cay atras.

E profesornan di TU Delft a confirma esey bisando cu nan sa con avansa Aruba tabata y awor pa e ultimo seis aña no a tende nada mas. Aruba tin un gobierno cu riba e topico aki no tin pia ni cabes, no tin maneho energetico y en realidad a destruí un futuro briyante cu tabata importante pa e isla.”

Aruba Taekwondo Bond cu seminario de faha preto

Den fin di siman Aruba Taekwondo Bond “ARTBO” a organizar un taller pa 1ste Dan te cu 4de Dan na Estrella Taekwondo Center.

Estrella Taekwondo Center encargó a Nuno Tromp ta entrenar Taekwondo ariba Diamars y Diahuebs for di 6’or di atardi te cu 8’or di anochi.

Maestro Melvin Rasmijn cazado por el Maestro Miguel Genser para dirigir y seminario. Master Melvin Rasmijn a splica y muestra den detalle con e formanan del maestro de Taekwondo wordo haci. Pa examen di faha preto, 1 Dan te cu 5 Dan bo mester sa e forma nan pa ora di

haci examen.

ARTBO kier pa tur scol local ta ariba e mesun nivel cu esun cu ta stipulation pa ARTBO. Tur atleta cu kier haci examen pa faha preto mester haci

examen na ARTBO. ARTBO tin su examen comision cu ta consta de 3 personas cu ta wak cu wowo hopi critica.

Master Joshmar Wever, Jason Ridderstap y varios atletas de Estrella Taekwondo Center y Noord Taekwondo Center asistirán na e seminario cu a cuminsa para di 10’o di mainta ya termina pa 5’o di atardi. Y seminario a wordo

duna den dos siman mirando

El presidente de ARTBO Sr. Moises Fernandez da la bienvenida a todos los atletas a participar en el seminario. ARTBO ta bay tin otro seminario na

Luna de noviembre. Master Melvin Rasmijn lo bay mas profundo den e tecnicanan. ARTBO ta enfoca hopi pa mira cua di e atletas lo siguen en la forma de Aruba por un representante en la forma.

Pa un jock sigui e rumbo of poom-sea and hopi mas hard mester train jock. Maestro Melvin Rasmijn ta prepara y atleta pa ta na y nivel pa



representa a Aruba. Taekwondo no ta solo trae. Hay algún atleta de élite que representa a Aruba a nivel mundial, como Elliott Loonstra. cu ta número dos na Mundo den su categoría.

Clasificados

AUTOSINMUEBLESARTICULOSNEGOCIOSSERVICIOSEMPLEOS

SOLODIPUEBLO@GMAIL.COM

585 9500

www.SOLODIPUEBLO.com

Brandweer	911
Polis	100
Polis Oranjestad	102
Polis San Nicolas	104
Polis Santa Cruz	105
Polis Shaba	107
Tiplijn	11141
Ambulance San Nicolas	584-5050
Ambulance Sasaki	582-5573
Ambulance Wayaca	582-1234
Horacio Oduber Hospital	527-4000
Centro Medico San Nic.	524-8833
SVB AO Ziekmelding	527-2782
Servicio nan	
Elmar storingdienst	523-7147
Web storingdienst	525-4600
Setar storingdienst	117
Digicel	145
Reina Beatrix INT Airport	524-2424
Serlimar	584-5080
Arugas	585-1198
Guarda nos costa	913
Aurora Funeral Home	588-6699
Royal Funeral Home	586-4444
Ad Patres Funeral Home	584-2299
The Olive trees Funeral Home	582-0000
Fundacion	
Rode Kruis	582-2219
Fada	583-2999
Fundacion Respetami	582-4433
Fundacion Guiami	587-1677
Muhe den dificultad	583-5400
Telefoon pa hubentud	131
Centro Kibrahacha	588-3131
Stichting Bloedbank	587-0002
Mary Joan Foundation	588-9999
Koningin Wilhelmina Fonds	582-0412
Fundacion pa nos mucha nan	583-4247



PRONOSTICO DI TEMPO

PRONOSTICO DI TEMPO
VALIDO TE DIARANSON 07 DI JUNI 2023, 18:00 ORA
TEMPO:
AWE NOCHI: PARCIALMENTE NUBLA Y GENERALMENTE SECO
DEN MARDUGA Y MAYAN: PARCIALMENTE TE HOPI NUBLA
CU UN AWACERO BREVE.

TEMPERATURA MAXIMO 33 GRADO CELSIUS
TEMPERATURA MINIMO 28 GRADO CELSIUS
INDICE DI CALOR (HEAT INDEX) DEN Y ROND
DI ORANAN DI MERDIA: 34 PA 40 GRADO CELSIUS
UV INDEX: 12
BAHADA DI SOLO : 7:03 PM
SUBIDA DI SOLO : 6:13 AM.
BIENTO: MODERA FOR DI DIRECCIONAN ENTRE
OOST Y OOST- ZUIDOOST;
FORSA 3 TE 4 (12 TE 30 KM/ORA, 7 TE 16 NUDO)
DEN DIA BASTA FUERTE TE POSIBLEMENTE FUERTE DEN RAFAGA:
FORSA 5 TE 6 (31 TE 50 KM/ORA, 17 TE 27 NUDO)

SITUACION GENERAL DI TEMPO PA PROXIMO 24 ORA:
DURANTE PROXIMO 24 ORA UN AUMENTO LEVE DI HUMEDAD
POR TRECE NA DADO MOMENTO BASTA NUBIA DEN REGION
LOCAL. PRINCIPALMENTE DEN ORANAN DI MARDUGA Y
MAINTA POR DESAROYA LOCALMENTE UN AWACERO BREVE.

CONDICIONAN MARITIMO/ ESTADO DI LAMA:
NA PARTINAN PROTEJE DI COSTA: KETU, ROND DI 1 PIA.
NA PARTINAN ZUID: TRANKIL TE MODERA, ENTRE 2 PA 4 PIA.
NA PARTINAN OOST TE NOORDWEST DI COSTA:
GENERALMENTE MODERA ENTRE 4 PA 6 PIA.

AVISO/ ALERTA:
NINGUN
FENOMENONAN SPECIAL:
NINGUN
TEMPO TROPICAL SIGNIFICANTE:
NINGUN

POTENCIAL DI AWACERO PA PROXIMO 24 ORA:
1 MM; LOCALMENTE ESAKI POR TA DIFERENTE.

REGISTRACION DI TEMPERATURA (GRADO CELSIUS) Y
AWACERO (MM) DEN ULTIMO 24 ORA (8'AM PA 8'AM):

AIRPORT : MAX 35 / MIN 28 / 0.0 MM
WESTPUNT: MAX 35 / MIN 28 / 0.0 MM
STA ROSA: MAX 35 / MIN 28 / 0.0 MM

PRONOSTICO DI TEMPO PA PROXIMO 3 DIANAN:
PARCIALMENTE NUBLA CU UN AWACERO BREVE.
BIENTO LO TA FOR DI DIRECCIONAN ENTRE
OOST TE OOST- ZUIDOOST Y MODERA
TEMPERATURA (GRADO CELSIUS) MAX / MIN LO TA: 33 / 28

Aruba Bank Walk & Run 2023 a culmina cu donacion na Respaldo



Oranjestad, 6 di juni 2023: Aruba Bank Walk & Run a culmina dia 25 di mei unda e comunidad a bini hunto pa cana y core diferente distrito di nos isla.

Un total di 2500 persona cu compromete nan mes na biba un bida mas saludabel y mehora nan mes a registra pa e evento aki y manera cu a anuncia previo na e evento un parti di e pago di registracion di e participantenan di Walk & Run lo bai pa Respaldo.

Diamars atardi Edseline Leer, Head of Retail Division di Aruba Bank conhuntamente cu Roxanne Croes, Sr Marketing Officer a bishita Respaldo pa asina haci e donacion aki oficialmente.

Dr. Van Gaalen hunto cu e team di maneho di Respaldo a keda hopi contento pa ricibi e sosten aki y cu e escohe pa pone atencion na personanan cu problema di salud mental, cual cifranan a aumenta den e ultimo añanan. Aruba Bank a demostra atraves di e donacion aki cu nan ta reconoce e importancia di e servicio di salud mental den nos comunidad, y ta orguyoso di sostene Respaldo den nan esfuerzo pa duna sosten na tur esnan cu tin mester.

AAA participates in Tabletop Exercise with BRA



ORANJESTAD – Oranjestad – Aruba Airport Authority N.V.'s Crisis Management Team together with government agencies held a Tabletop exercise at Bureau Rampen Bestrijding (BRA) on Thursday June 1, 2023, in which key personnel assigned emergency management roles and responsibilities gathered to discuss, in a non-threatening environment, a simulated emergency situation of a local standby which upon landing escalates to a crash landing.

International Civil Aviation Organization (ICAO) requires all airports to conduct airport emergency exercises including Full-scale- (FSEE), and Tabletop exercises (TTEX) to ensure the adequacy of response of all personnel, emergency plans and procedures, and emergency equipment and communications. Full-scale exercises are held once every two years and Tabletop exercises are held at least once every year. Tabletop exercises is a type of drill, requiring only a meeting room, a large-scale map of the airport aerodrome, and a representative of each participating unit and agency in attendance. During the exercise, an accident location is selected on the airport aerodrome map and each participant describes what actions their unit and/or agency would take to respond. The exercise can reveal operational problems such as communications frequencies, lack of equipment, confusing terminology, and areas of jurisdiction.

In this year's Tabletop exercise, AAA focused on review of findings during the last evaluation of the FSEE held last November in 2022 and on a few main tasks but not limited to support provided to government agencies mainly logistics within the airport premises, escort of government vehicles on the airside, coordination of bus transport to crash site and to medical center, security responsibilities and support to the Aruba Police force, Emergency Team duties, crowd control on the Landside area, cordon of crash site and keeping the area secure, assessment of damages to Airside facilities, and action plan to recover all facilities to open for aircraft operations as soon as the Department of Civil Aviation (DCA) has finalized investigations. The TTEX was observed and critiqued by the DCA to ensure compliance of the assigned responsibilities. AAA and government agencies shall submit a sequence of events report as part of the final TTEX evaluation.

AAA would like to thank all agencies involved for their participation in these types of exercises that are extremely important to ensure all agencies are duly informed, trained, prepared and committed to their respective roles and responsibilities in case of an emergency situation at the Airport of Aruba.

About AUA Airport



AUA Airport is one of the busiest airports in the Caribbean region, with 22 different airlines operating into Aruba contributing to processing over 2.5 million passengers per year and providing air service to 22 cities and 34 non-stop destinations worldwide. AUA Airport's markets served comprise of 79% from the United States & Canada, 12% from Latin America, 5% from Europe, and 4% from Dutch Caribbean, year to date, April 2023. AUA Airport attributes this to the island's stable economic and political climate, hospitable and multilingual population, and safe environment. AUA Airport's aspiration is to become one of the most Sustainable, Safe, and Future Proof airports of the Latin America & Caribbean region, providing a trusted workplace, modern airport facilities and excellent customer service which reflects Aruban hospitality, contributing to a prosperous future for Aruba.

Learn more about what's happening at AUA Airport by visiting www.airportaruba.com and connect with AUA Airport on [Twitter.com/Aruba_Airport](https://twitter.com/Aruba_Airport), [Facebook.com/ArubaAirport](https://facebook.com/ArubaAirport), [Instagram.com/arubairport/](https://instagram.com/arubairport/) and [Linkedin.com/ArubaAirport](https://linkedin.com/ArubaAirport).

Centro di Bario Savaneta cu celebracion di Dera Gay

Centro di Bario Savaneta ta ofrece diferente actividad durante aña pa grandi y chikito. Diasabra 24 di juni proximo, Centro di Bario Savaneta ta celebra Dera Gay en grande cu diferente entretenimento pa deleita e publico presente.

E actividad di Dera Gay ta di 6or di atardi pa 10or di anochi, cuminsando cu entretenimento pa Tipico Pegasaya, sigui pa Grupo di Baile Masiduri, Grupo Nos Cultura y Ivy

y su Grupo. Bar y cushina lo ta bon surti. Entrada ta completamente gratis. Durante e evento tambe lo tin competencia di baile di Dera Gay den categoria infantil, hubenil y adulto y premio pa miho trahe di Dera Gay. Pa participa na e competencia por inscribi na 594-4570.

Meta di e actividad aki ta pa promove nos cultura y tradicionnan como tambe recauda fondo pa por inverti den e manten-

cion di e edificio y veld deportivo na Centro di Bario Savaneta.

Un y tur ta cordialmente invita pa bin pasa un rato ameno den compania di famia y amistadnan. Like e pagina di Facebook di Centro di Bario Savaneta y keda al tanto di e diferente actividadnan cu Centro di Bario Savaneta ta ofrece na henter e comunidad di Aruba, en particular esnan di e bario Savaneta y bisindario.



MINISTER ENDY CROES A RICIBI PRESENTACION DI E TRABOU CU TELEFON PA HUBENTUD TA EHERECE PA NOS HOBENNAN



ORANJESTAD: Siman pasa, Minister Endy Croes a reuni cu representantenan di Telefon Pa Hubentud. Presente na e reunion tabata director di Telefon Pa Hubentud Sr. James Sneek y miembro di directiva Sra. Jeanine Tromp. Mandatario di Enseñansa a ricibi un presentacion hopi amplio di e trabou cu Telefon Pa Hubentud ta eherece pa comunidad di Aruba specialmente pa nos hobennan. Sr. Sneek a indica cu tin 148 pais cu tin un liña di telefon pa hoben, bou di number ta 174, e ta conoci internacionalmente como e Child Helpline International. Na Aruba

nos ta uza e number 131.

Dia 20 di november 1999, a lansa Telefon Pa Hubentud como un instancia caritativo independiente, cu e number 131 dirigi riba mucha y hoben di 8 pa 24 aña. Telefon Pa Hubentud ta duna servicio di dos or pa seis or di atardi 365 dia pa aña. E yamadanan ta anonimo, confidencial y gratis. Na 2014, Telefon Pa Hubentud a lansa un app cu e hobennan por haci uzo di dje, entre otro, pa busca informacion. Telefon Pa Hubentud tin un total di diesdos (12) "samenwerkings" protocol firma cu diferente instancia na Aruba. Tambe, Tele-



fon Pa Hubentud ta duna asistencia na Saba y Sint Eustatius.

Telefon Pa Hubentud ta conta cu 38 boluntario. E directiva di Telefon Pa Hubentud ta consisti di cinco miembro boluntario cu ta na encargo di planificacion di e fundacion. E staf ta consisti di tres persona, un director y dos trahado social.

Sr. Sneek a splica cu Fundacion Pa Hubentud tin un relacion hopi cerca cu scolnan na Aruba. Tur dia Telefon Pa Hubentud ta duna charla, tayer, lectura y proyecto

tocante e topiconan manera, termento, divorcio y sexualidad. Telefon Pa Hubentud ta alcanza alrededor di 9000 persona pa aña. Por ultimo, Sr. Sneek a indica di algun necesidad cu Telefon Pa Hubentud tin y Minister Endy Croes a priminti di sondea e posibilidad pa por cumpli cu cierto necesidadnan. Mandatario di Enseñansa ta gradici Telefon Pa Hubentud pa e bunita trabou cunan ta eherece pa comunidad di Aruba, specialmente pa nos hobennan.



8			3					
3					5			
		9	1		4			
	4			8		7		
6								2
		8		2			3	
			7		9	6		
			2					5
					8			4

		1	2			6		
	7			9	6		4	8
	6	8		5	4		2	
7	5			4				2
	9		6	8		7	5	
8		6	7			9	3	
			5	1	9		8	6
1		9			2			
	2	5						9



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com

Resultado : Sorteo 06June 2023 Merdia

CATACHI
Sorteo # 3933
7778
2139
3040
MULTI X
X2
BIG 4
Sorteo # 3933
4871
1OFF
Sorteo # 1989
3205
ZODIAC
Sorteo # 3933
8319
Leo
LUCKY 3
Sorteo # 807
045
MULTI X
X3

LOTTO 5	
Sorteo #	Joker Letter
0 x Jackpot	Proximo Jackpot
0 x Match 4+	170.000,-
0 x Match 4	
0 x Afl. 12,00	
LOTTO DE DIA	
Sorteo # 6130	Proximo Jackpot
1 x Jackpot	58.000,-
8 x Match 4	
156 x Afl. 8,00	
MEGA	
Sorteo #	Mega Ball
0 x Jackpot	Proximo Jackpot
0 x match 4	270.000,-
0 x Afl. 500,00	
0 x Afl. 50,00	
0 x Afl. 15,00	
MEGA PLUS	Afl. 370.000,-
KORSOU	
Sorteo #	



Paardenbaaistraat 10, Oranjestad, Aruba Tel.: (297) 525 - 7555
www.lottoaruba.com

Resultado : Sorteo 05 Juni 2023 Anochi

CATACHI
Sorteo # 7957
1704
9458
7904
MULTI X
FP
BIG 4
Sorteo # 7001
7080
1OFF
Sorteo # 1706
6749
ZODIAC
Sorteo # 5760
5900
Piscis
LUCKY 3
Sorteo # 690
133
MULTI X
X2

LOTTO 5	
Sorteo #	Joker Letter
0 x Jackpot	Proximo Jackpot
0 x Match 4+	170.000,-
0 x match 4	
0 x Afl. 12,00	
LOTTO DE DIA	08-11-16-17-22
Sorteo # 6138	Proximo Jackpot
0 x Jackpot	58.000,-
9 x Match 4	
130 x Afl. 8,00	
MEGA	
Sorteo #	Mega Ball:
0 x Jackpot	Proximo Jackpot
0 x match 4	270.000,-
0 x Afl. 500,00	
0 x Afl. 50,00	
0 x Afl. 15,00	
MEGA PLUS	Afl. 370.000,-
KORSOU	
Sorteo #	

